

Ақсу өңірі

Қоғамдық - саяси, әлеуметтік - экономикалық газет

№47 (10 094)


26 қараша

жұма

2021 жыл

aksuoniri@mail.ru


1 желтоқсан - Қазақстан Республикасының Тұңғыш Президенті күні!



БІРІНШІ ТҰҒЫР.
ТӘУЕЛСІЗДІК – КЕЗ-КЕЛГЕН АЗАМАТ ҮШІН ЕҢ ҚАСТЕРЛІ ҚҰНДЫЛЫҚ

ҚАЗАҚТЫҢ БАРША АРМАН-МАҚСАТЫНЫҢ ОРЫНДАЛУЫ ТЕК ТӘУЕЛСІЗ МЕМЛЕКЕТ, ДЕРБЕС ҰЛТ ЖАҒДАЙЫНДА ҒАНА МҮМКІН ЕКЕНІН ҰМЫТПАУЫМЫЗ КЕРЕК.


Н.Ә. НАЗАРБАЕВ
«ЕЛДІКТИҢ ЖЕТІ ТҰҒЫРЫ»



ҮШІНШІ ТҰҒЫР.
ЖЕР – АТА-БАБА МҰРАСЫ, ХАЛЫҚ ҚАЗЫНАСЫ

ЖЕРДЕН ҚАСИЕТТІ ЕШНӘРСЕ ЖОҚ. ЕНДІ АТА-БАБА АМАНАТЫНА АДАЛ БОЛЫП, ҰЛАН-ҒАЙЫР ЖЕРІМІЗДІ ҚОРҒАУ, ОНЫ БОЛАШАҚ ҰРПАҚҚА МИРАС ЕТУ – БІЗДІҢ ОРТАҚ БОРЫШЫМЫЗ.

Н.Ә. НАЗАРБАЕВ
«ЕЛДІКТИҢ ЖЕТІ ТҰҒЫРЫ»



БЕСІНШІ ТҰҒЫР.
ҰЛТТЫҚ МӘДЕНИЕТ – ХАЛЫҚТЫҢ РУХАНИ ТІРЕГІ

ЖАҒАНДЫҚ БӘСЕКЕГЕ ҚАБІЛЕТТІ БОЛУ ҮШІН БІРЕГЕЙ ҰЛТТЫҚ МІНЕЗ, АСҚАҚ РУХ КЕРЕК. СОЛ ҮШІН МӘДЕНИЕТІМІЗДІ ЗЕРДЕЛЕП, ӨЗГЕ ЖҰРТҚА НАСИХАТТАЙ БІЛГЕН АБЗАЛ.


Н.Ә. НАЗАРБАЕВ
«ЕЛДІКТИҢ ЖЕТІ ТҰҒЫРЫ»



ЕКІНШІ ТҰҒЫР.
БІРЛІК ПЕН КЕЛІСІМ – ЕЛДІГІМІЗДІҢ МЫЗҒЫМАС ТҰҒЫРЫ

КОНСТИТУЦИОНАҢЫ ҚАСТЕРЛЕУ, МЕМЛЕКЕТТІК ТІЛДІ БІЛУ, ҰЛТТЫҚ ҚҰНДЫЛЫҚТАРДЫ ҚАДІРЛЕУ – ӘР АЗАМАТТЫҢ ПАРЫЗЫ


Н.Ә. НАЗАРБАЕВ
«ЕЛДІКТИҢ ЖЕТІ ТҰҒЫРЫ»



ТӨРТІНШІ ТҰҒЫР.
ОТБАСЫ МЕН САЛТ-ДӘСТҮР – ҚОҒАМНЫҢ АЛТЫН ДІңГЕГІ

ОТБАСЫ ИНСТИТУТЫ ӘЛСІРЕП, САЛТ-ДӘСТҮРІМІЗ ҰМЫТЫЛСА, ЕЛ БОЛЫП ҚАЛУЫМЫЗ ЕКІТАЛАЙ. СОЛ ҮШІН ДӘСТҮРДІҢ ОЗЫҒЫН АЛЫП, ТОЗЫҒЫН ТАСТАП, ЕЛДІК БОЛМЫСТЫҢ ӨЗЕГІН САҚТАЙ БІЛУІМІЗ КЕРЕК. СОНДА ҒАНА САНАЛЫ ҰРПАҚ ТӘРБИЕЛЕЙМІЗ.

Н.Ә. НАЗАРБАЕВ
«ЕЛДІКТИҢ ЖЕТІ ТҰҒЫРЫ»



АЛТЫНШЫ ТҰҒЫР.
БІЛІМ МЕН ЕҢБЕК – БАҚУАТТЫ ӨМІРДІҢ КІЛТІ

ТАБЫСТЫҢ КІЛТІ ҮЗДІКСІЗ БІЛІМ АЛУ МЕН ТЫНЫМСЫЗ ЕҢБЕК ЕТУДЕ. АДАЛ ЕҢБЕК ҚАНА АДАМДЫ МҰРАТЫНА ЖЕТКІЗЕДІ. ОСЫНЫ ЖАСТАРДЫҢ САНАСЫНА СИҢІРУ ҚАЖЕТ.


Н.Ә. НАЗАРБАЕВ
«ЕЛДІКТИҢ ЖЕТІ ТҰҒЫРЫ»

ЖЕТІНШІ ТҰҒЫР.
ПРАГМАТИЗМ – БӘСЕКЕГЕ ҚАБІЛЕТТІ БОЛУДЫҢ КЕПІЛІ ҚАЗІРГІ ЕЛІМІЗДЕ ЖАСТАРДЫҢ ӨЗІН – ӨЗІ ДАМУЫНА, БІЛІМІН ЖЕТІЛДІРІП, СҮЙІКТІ ІСІМЕН АЙНАЛЫСУЫНА МҮМКІНДІК МОЛ. СОНДЫҚТАН ПРАГМАТИЗМ

ПРИНЦИПТЕРІ БОЙЫНША БАРЫНША ҚАНАҒАТШЫЛ, ҮНЕМШІЛ, ҰСТАМДЫ БОЛЫП, УАҚЫТТЫ ОРЫНДЫ ПАЙДАЛАНУҒА ТАЛПЫНҒАН ЖӨН.

Н.Ә. НАЗАРБАЕВ
«ЕЛДІКТИҢ ЖЕТІ ТҰҒЫРЫ»

ЖЕМҚОРЛЫҚПЕН КҮРЕС – ТӘУЕЛСІЗДІК ҮШІН КҮРЕСПЕН ТЕҢ!



Жемқорлық

Кез - келген өркениетті қоғам үшін сыбайлас жемқорлықпен күрес ең өзекті мәселелердің бірі. Бұл кесел әлемнің қай елінде болса да бар ауыр дерт. Біздің дамушы мемлекет ретінде өркендеуімізге кедергі келтіріп тұрған қайғы.

Біз тәуелсіздік алғалы отыз жыл толып отыр. «Азаттық алдық, Зорлықтан, қорлықтан, құлдықтан азат болдық, Тәуелсізбіз, Егеменбіз. Сөйтсек, жемқорлық, парақорлық та, заңсыздық та азаттық алған сияқты. Сияқты емес, дәл солай!», – дейді Шерхан Мұртаза «Адам құны» атты мақаласында. Шындығында, дәл солай. Өйткені, осы айтылған келеңсіз құбылыстармен елеміз егемендік алғалы жаппай күресіп

келеді.

Соңғы мәліметтерге сүйенсек, 2020 жылы Қазақстан жемқорлық жайлаған 180 елдің ішінде 113-орында тұр екен. Бұл көрсеткіш елімізде жемқорлық деңгейінің әлі жоғары екендігін көрсетеді. Қазақстанды бұл дерт неге жаулап кетті? Пара алу мен пара беру неге тыйылмай жатыр? Бұған тек бір адамды кінәлауға ғана болмайды. Бұл дертпен күресті әркім өзінен бастауы қажет. Мемлекет тарапынан бұл дертпен күрес үшін көптеген шаралар жүргізіліп, заңнамалар қаталдап жатыр. Қазір әлемді жаулаған дерт коронавирусы десек, жемқорлық одан да қауіпті дерт. Жемқорлыққа қарсы вакцина жоқ. Оны тек баршамыз бірігіп жеңе аламыз, ол үшін әр азамат бойында жемқорлыққа қарсы мәдениет қалыптастыру аса маңызды.

...«Кедей – бай болсам дейді, бай – Құдай болсам дейді». Кедей бай болсам деген жерде тоқтай қалса ғой. «Стоп!» десе. Жоқ, бай Құдай болсам дейді. Бұл – қанағатсыздық. Бәленің бәрі осы қанағатсыздықтан туады. Оны толтыра алмайсың. Өзі тойса да, көзі тоймайды», – деп жазыпты Шерхан Мұртаза «Елім саған айтамын,



Елбасы сен де тыңда» атты хаттар жинағында. Расында қазіргі жемқорлықтың тоқтамы болатын қанағат деген ұғымды санаға сиңіру керектігі.

Ежелгі грек ойшылы Местрий Плутарх «Қоғам игілігіне арналған істен өз пайдасын көздеген жан, қабірді де тонауға қабілетті» дейті. Бұл жемқорлар үшін елді, жерді сату түкке тұрмайтындығын көрсететін сөз секілді. Бүгінде біздің тәуелсіздігіміздің басты жауы – жемқорлық. Демек, жемқорлықпен күрес тәуелсіздік үшін жүргізіліген күреспен тең.

Д.СҰЛТАНОВА,
аудандық сотының кеңесінің бас маманы, сот отырысының хатшысы.

АЛМАТЫ ОБЛЫСЫ, АҚСУ АУДАНЫ, СУЫҚСАЙ АУЫЛДЫҚ ОКРУГ ӘКІМІНІҢ САЙЛАУ ҚОРЫТЫНДЫЛАРЫ ТУРАЛЫ ХАБАРЛАМА

2021 жылы 21 қарашада 1 сайлау округі бойынша Ақсу ауданының ауылдық округі әкімінің сайлауы өтті.

Ақсу аудандық сайлау комиссиясы «Қазақстан Республикасындағы сайлау туралы» Қазақстан Республикасы Конституциялық заңының 14-бабының 9) тармақшасына, 44-бабының 2-тармағына, 45-бабына, 113-10-бабына сәйкес ауылдық округ әкімін сайлау нәтижелері туралы учаскелік сайлау комиссияларының хаттамаларына сәйкес сайлау нәтижелерін анықтады:

Суықсай сайлау округі Суықсай ауылдық округі әкімін сайлау бойынша:

Округ бойынша сайлаушылар тізіміне 820 азамат енгізілді, оның 64,9% дауыс берді, жарамсыз бюллетеньдердің саны - 39, «бәріне қарсы» - 1.

Әр үміткерге берілген дауыстар саны:
Бекбулатов С.Ж. – 38,2%; Кобенбеков Н.Б. – 3,6%; Коңыров Қ.Н. – 58,1%.

Суықсай ауылдық округінің сайланған әкімі Коңыров Қуаныш Нурланұлы, 1985 ж.т., Суықсай ауылдық округі әкімі аппаратының бас маманы, Ақсу ауданы, Суықсай ауылында тұрады, өзін - өзі ұсынған.

АҚСУ АУДАНЫ АҚСУ АУЫЛДЫҚ ОКРУГІ АКИМІНІҢ САЙЛАУ КОМИССИЯСЫ. СООБЩЕНИЕ

21 ноября 2021 года состоялись выборы акима Суықсайского сельского округа Аксуского района по одному избирательному округу.

Аксуская районная избирательная комиссия в соответствии с подпунктом 9) статьи 14, пунктом 2 статьи 44, статьей 45, статьей 113-10 Конституционного закона Республики Казахстан «О выборах в Республике Казахстан», на основании протоколов участковых избирательных комиссий о результатах выборов акимов сельских округов Аксуского района установила итоги выборов:

Суықсайский избирательный округ по выборам акима Суықсайского сельского округа:

В список избирателей по избирательному округу включено 820 граждан, из них проголосовали 64,9%. Число бюллетеней недействительных – 39, с отметкой в строке «Против всех» - 1.

Число голосов, поданных за каждого кандидата:
Бекбулатов С.Ж. – 38,2%; Кобенбеков Н.Б. – 3,6%; Конуров К.Н. – 58,1%.

Избран акимом Суықсайского сельского округа Конуров Куаныш Нурланович, 1985 года рождения, главный специалист аппарата акима Суықсайского сельского округа, проживает в селе Суықсай, самовыводжене.

АКСУСКАЯ РАЙОННАЯ ИЗБИРАТЕЛЬНАЯ КОМИССИЯ

БАСПАСӨЗ - 2022

АҚСУ ӨНІРІ

ҚОҒАМДЫҚ - САЯСИ ГАЗЕТИНЕ 2022 ЖЫЛҒА ЖАЗЫЛУ БАСТАЛДЫ!

Ауданның тыныс - тіршілігінен құлағдар болғыңыз келсе, аудандық және ауылдық "Қазпошта" байланыс бөлімшелеріне барып жазылыңыздар.

"Ақсу өңірі" газетіне 1 жылдық жазылу бағасы- 4414 теңге, 80 тиын және жарты жылға 2207 теңге 40 тиын.

ГАЗЕТ ИНДЕКСІ: 65750

Еңбекпен шыңдалған заң қызметкері



Боданбаев Серікқазы 1946 жылдың 18 қарашасында Ақсу ауданының Ленин атындағы совхоздың Тарас бөлімшесінде дүниеге келген. Қарапайым отбасында тәрбиеленген. Әкесі Мусанов Боданбай осы бөлімшеде қарапайым жұмысшы болып еңбек еткен. Дүниеден ерте өткен. Анасы Жексембекова Жамбы да қарапайым жұмысшы болып еңбек етіп, баласының оқып еңбек етуіне әкесінен ала алмаған тәрбиесін беруге бар күшін салған құрметті ана.

Боданбаев Серікқазы 1954 жылы Тарастағы бастауыш мектепке барып білім алған. 1964 жылы Чапаев атындағы орта мектепті бітірген. 1964 жылдан 1966 жылға дейін осы бөлімшеде жұмысшы болып еңбек еткен. 1966 жылдан бастап Ақсу аудандық ішкі істер бөліміне милиционер болып жұмысқа қабылданады. Осы жұмысты істей жүріп, Алматы қаласындағы орта арнаулы милиция мектебіне оқуға түсіп, 1968 жылы бітіріп лейтенант шенін алған. Учаскелік милиция, кезекшілік, тергеушілік қызметін атқара жүріп, осы жылдар аралығындағы тергеудің «қазанында қайнап» шыңдалған кезеңдері оның әрі қарайғы қызметтегі өсу, өрлеу баспалдақтарына даңғыл жол салады. Көп ұзамай қылмысты іздестіру бөлімінің басшысы қызметіне тағайындалады.

Үнемі ізденуді, білуді, алға ұмтылуды өмірлік мақсаты еткен Серікқазы ағамыз өзінің заңгерлік біліктілігін еңбекпен көрсетті. Аянбай еңбек еткен қызметіне байланысты түрлі медальдарымен марапатталады.

Атап айтқанда, Қазақстан полициясына 75 жыл, 100 жыл медальдарымен марапатталған. 1991 жылы зейнеткерлікке шығып, Ішкі істер бөлімінің Еңбек ардагері медалін алады. 2005 жылы Ақсу ауданы әкімшілігінің «Құрмет кітабына» есімі енгізілген. Жолдасы Әміренова Нұрқүміс Қаракемер орта мектебінде мектеп директоры болып еңбек еткен. Қазіргі кезде зейнеткер. Қызы Боданбаева Ардақ І.Жансүгіров атындағы Жетісу мемлекеттік университетінің Заң факультетін бітірген. Қазіргі уақытта Ақсу аудандық прокуратурасының аға прокуроры болып қызмет істейді.

Боданбаев Серікқазы жанұясында, ауылда сыйлы азамат, қоғамдық жұмыстарға қазіргі кезге дейін белсене араласады. Еңбекпен шыңдалған заң қызметкері, Серік ағамыз 18 қарашада 75 жасқа толды. Ағамызға мықты денсаулық, отбасына бақ - береке тілейміз.

Ләззат ҚАСЫМБЕКОВА.

Ұжым арасында сыйлы, кішіпейіл жан еді...

Күні кеше ғана ортамызда жүрген Айгүл Хасенқызы туралы өткен шақта жазу қиын екен. Айгүл Хасенқызы 02.04.1969 жылы туған, ұлты қазақ, білімі жоғары, 2005 жылы Қазақ Еңбек және әлеуметтік қатынастар академиясына, Қаржы және несиесі мамандығы бойынша бітіріп шыққан.

Еңбек жолын 1986 жылы Коммуналды өндірістер көмекшісі қызметінен бастап, 1996 жылы Қапал ауданымен Ақсу ауданы қосылуына байланысты Жансүгіров ауылына келіп бюджеттік банкте қызмет атқарған.

1998 жылдан бастап өмірінің соңына дейін Ақсу аудандық қазынашылық басқармасының бас маман - бас қазынашысы қызметін атқарған.

Қызмет атқарған уақыт аралығында өзін - өзі сапалы және ынталы, білімді маман ретінде көрсете білген,



берілген жұмысты жауапты және уақытылы орындайтын. Аналитикалық талдау ойы бар. Үнемі білімін жетілдіруге ұмтылушы еді. Ұжым арасында сыйлы және кішіпейіл болған. Ұқыпты, байсалды, салмақты, мінезімен үлкенге өнеге кішіге үлгі болатын. Өз әулеті жөнінде үнемі жылы лебіздер айтып жолдасымен ұлы

Алихан туралы айтқанда жүзі нұрланып көзінен қуаныш оты ұшқындап тұратын. Анасымен кездескен мезгілдерін жылы еске алып айқан ақылдарын ойынан шығармай жүруші еді. Сонымен қатар Айгүл жолдасын Омқа, Өмеке деп бірақ атын Өмірбек деп айтпаған салихалы жар да болған.

Осы қамшының сабындай қысқа өмірінде өзінің туа біткен мінезімен көп адамдармен сыйласқан. Бұл кісі өмірге құштар, көңілді еді. Бірақ амал қанша 20 қазан күні қайта келмес соңғы сапарына аттанып кетіп, сол күлімдеген көзімен өмірге құштар көңілімен мәңгілік ұжымның ойында қалды. Иманы жолдас болсын,-деп отбасына қайғыларына ортақтасып, көңіл айтамыз.

Мұхтар МҰСАНОВ,
аудандық қазынашылық басқарма басшысы.

АҚСУ ХАЛЫҚ ТЕАТРЫ ХАЛЫҚТЫҚ АТАҒЫ БАР ТЕАТРАЛДЫҢ ОБЛЫСТЫҚ ФЕСТИВАЛІНДЕ



ойындар, ән айту сында біршама құндылықтарымызды ұтымды жеткізе білді. Осы тарихи көрініс

арқылы ұлттық салт - дәстүріміз бір жаңғырып қалғандай болды.

Қойылымның мазмұнын аша түскен сәт ескілік әдет заңы мен жаңа замандағы адамшылдық пен зұлымдық арасындағы байланысты сипаттайды. Бұл көріністе басты рөлді сомдаған көркем сөз оқу шеберлері республикалық байқауының Гран - при иегері Жасұлан Китапьяновтың орындаушылық шеберлігі Ұлы Абайдың образымен дәлме - дәл үйлесті. Шебер орындалған қойылым көрермен көңілінен әбден шықты деуге тұрарлық. Қалың жұрт шапалақ ұрып, өртстер қауымына үлкен құрмет көрсетті.

Сарқытбек РАХЫМБЕКОВ,
Көкезек ауылдық мәдениет үйінің директоры.

ХАБАРЛАНДЫРУ!

Қазақстан Республикасы Үкіметінің 2014 жылғы 24 ақпандағы «Әкімшілік – аумақтық бірліктерге, елді мекендердің құрамдас бөліктеріне атау беру, оларды қайта атау, сондай-ақ олардың атауларының транскрипциясын нақтылау мен өзгерту кезінде тиісті аумақ халқының пікірін ескерту қағидаларын бекіту туралы» №138 қаулысының 8-тармағының, 1), 2)-тармақшаларына сәйкес 2021 жылдың желтоқсан айының 27-і күні сағат 15-00-де Суықсай ауылдық мектебінің акт залында Ақсу ауданы, Суықсай ауылының «Жота» көшесіне Ұлы Отан соғысының «Қызыл жұлдыз», «III дәрежелі Даңқ» ордендерімен, «За оборону Кавказа», «За боевую заслугу», «За взятие Кенигсберга», «За Победу над Германией» медальдерімен, «Отличный пограничник», «Снайпер» төсбелгілерімен марапатталған Кебекбаев Тұрсын Қалимолдаұлының атын беру бойынша мәселе қаралатындығын хабарлаймыз.

«Қазақ халқының мүдесін қорғаған күрескер»
«Өсиет өнегені өткеннен ізде - өрең толады.
Бақытты болашақтан ізде - басына қонады»

Б.СЫРТАНОВ.

Қазақ халқының мүдесін қорғаған күрескер



на орай "Қазақ халқының мүдесін қорғаған күрескер" атты тарихи криуз ұйымдастырылды.

Шара барысында жасұрпаққа көрнекті алаш қайраткері, заңгер, публицист, шығыстанушы, қазақтың алғашқы Конституциясының авторы - Барлыбек Сыртановтың өмірі мен саяси қызметі жайында тағылымы мол мағлұматтар беріліп, бейнебаян көрсетілді.

Мақсаты:оның артында қалған мол мұрасын тыңғылықты зерттеп, өскелең ұрпақ тәрбиесіне насихаттап отыру.

Санкт-Петербург университетін бітірген қазақ зиялылары ішінде Б.Сыртановтың орны да, жөні де бөлек. Оның өмірі мен қызмет жолын, артында қалған мол мұрасын тыңғылықты зерттеп, өскелең ұрпақ тәрбиесіне жарата білу қазіргідей, тәуелсіздік туын тұғырына берік орнатып, тұмса тарихымызды жаңаша түзіп жатқан тағдырлы кезеңде айырықша маңызды деп білеміз.

Назира АУБАКИРОВА,
«Nur Otan» партиясының мүшесі, Б.Сыртанов ауылдық кітапханашысы.



Тәуелсіздікке 30 жыл!

Тәуелсіздік жайлы жазсам, тосын жыр,
Қуаныштан құшақтасып, досым гүл.
Мәрт еліміздің асқақтаған арманы.
Болып қапты - ау, толып қапты - ау 30жыл.

Жаса мәңгі тәуелсіздік ұлы елім,
Ақ Отанға ақ арманды тіледім.
Отан үшін отқа түссең күймейсің,
Тәуелсіздік бірге мәңгі жүрегім.

Асқақ арман ары асып, көк белден.
Батыр бабам қиындықты көп көрген.
Талай - талай белестерді еңсеріп,
Тәуелсіздік айналайын қошкелген.

Аулақ кетсін, жуымасын қазір мұң,
Тәуелсіздік жүрегіме жазылдың.
Өн бойымда бір тамшы қан қалғанша,
Ұлы Отанды күзетуге әзірмін.

Күндіз күлкі, түнде бөлеп сұлу түн,
Тәуелсіздік тіл жетпестей жылуың.
Манат өлкем, жәннәт өлкем сенде өскен,
Шоқтай жайнап, жалындайды рухым.



Киелі ақсу, мамания мектебім,
Оқушымын, балауса боп көктедім.
О, аяулы тәуелсіздік Отаным,
Сен дегенде жалындайды өрт сезім.

Деменіздер өлең жазған, тегі кім?
Тасқындайды туған жерге сенімің.
Мен Қанағатұлы болам Бақболсын,
Осы жырым сүттен аппақ көңілім.

Бақболсын ҚАНАҒАТ,
Мамания орта мектебінің 5 "а" сынып оқушысы.
Жетекшісі: Ж.СҰЛТАНҒАЛИЕВА.

Елге сыйлы Ғабит аға зейнеткерлік жасына!



партиясы аудандық филиалы жанындағы партиялық бақылау комиссиясын басқарып келеді және Саяси бюро мүшесі.

Осынша ауқымды, атауларынан асқан жауапкершілік сезілетін қоғамдық істерді атқару барысында аудан аумағындағы елді мекендердің тұрғын үй, экологиялық тазалық жағдайы, т.б. мәселелерге әрқашанда назар аударып отырады. Сонымен бірге елдің саяси – қоғамдық өміріне де көңіл бөледі.

Иә, Ғабит Мұсабалановтың еңбегі елеусіз қалмаған. Ескіше атағанда «ДОСААФ»-та тура 21 жыл жұмыс істеп келеді екен. Қатардағы қызметші емес, бірінші басшы. Осы жағы ескеріліп ТМД «ДОСААФ» Орталық Кеңесінің «Еңбегі үшін» орденіне ие болған. Оның қатарында Мәслихаттың 20 жылдығы, Қазақстан Республикасы Тәуелсіздігінің 20 жылдығы медальдары, Білім беру ісінің үздігі, Республикалық «Отан» қоғамдық бірлестігінің үздігі төсбелгілері бір бөлек. Ал, Елбасынан үш мәрте Алғыс хат алу құрметі кез - келгенге бұйыра берер мәртебе емес. 2008, 2011, 2015 – жылдары Н.Назарбаев өзі қол қойып, мөрін басқан Алғыс хаттар Ғабит ағамыздың кабинетінде көрнекті жерден орын алған. Сол Алғыс хаттың бірінің мазмұнын назарларыңызға ұсынайын:

«Қазақстан Республикасы Президентінің сайлауында менің сайлау науқанымға белсене қатысқаныңыз үшін Сізге алғыс білдіремін. Қол жеткізген жеңісін баршаның ортақ жетістігі және реформаларды, қоғамды модернизациялауды одан әрі жалғастыру, әрбір отбасының, әрбір қазақстандықтың игілігі үшін ұстанып отырған бағдарымызды қолдау деп түсінетін.

Сізге және Сіздің туған – туысқандарыңызға зор денсаулық пен күш – береке тілеймін!» Шынында да қуануға, қажет десеңіз мақтаныш етуге лайық марапат емес пе. Біреу ғана болса бір сәрі, бақандай үш мәрте алғыс алған.

Енді Ғабит ағамыздың басқа хаттарын, мақтау қағаздарын тізіп жатудың қажеті шамалы. 2010-да облыстық автоинспекциядан, 2014-те Ауған соғысы Ардагерлер ұйымы үйлестіру кеңесінің Алғыс хаттары. 2015-те ауданда «Үздік депутат» номинациясы бойынша «Жыл үздігі» иегері атанған. Сонау Кеңес заманы кезіндегі Бесжылдықтың тың озаты, толып жатқан Мақтау Грамоталары бір қапшық болса керек.

Алпыс жасында Ғабит Ахметқожаұлы Ақсу ауданының «Құрметті азаматы» атанды. Бүгінгі таңда оның омырауындағы басқа төсбелгілермен бірге құрметті азаматтықтың төсбелгісі де көкірегіне көрік беріп тұр.

- 86-ның желтоқсан айында Алматыға қалай тап болдыңыз? - деп сұрадым. Ағамыз әңгімесін жалғастырды. Кеңжырадан екі жігіт, осы Жансүгіровтің бұрынғы ауыл әкімі Болат Шәріпов және Ғабит аға төртеуі Қазақ ауылшаруашылығы институтында сырттай оқыған екен. Желтоқсан айының 17-і күні аудиторияда лекция тыңдап отырғанда аласа бойлы бір жігіт есікті ашып: "Неғып отырсыңдар, елдің бәрі алаңға жиналып жатыр. Қонаевты орнынан алып

тастапты", - деп хабарлайды.

Аудиториядағы бар студент өре түрегеліп, есікке лап қойса керек. У да шу, коридорда қаптаған ел. Сыртқы есікті жауып қойыпты. Лап қойған көпшілік бұза - жара далаға атқып шығады.

Сол кезде дейді Ғабит аға жанындағы Болат ағамызға: "Қазір алаңға бармасақ өмір бойы өкінеміз,-дейді де, екеуі көппен бірге алаңға бет алады. Желтоқсанның 17-і, 18-і, 19-ы күндері сол алаңда болып, көз көріп, құлақ естімеген сұмдықтың күесі болды. Арнайы дайындықтан өткен солдаттар қазақтың жап-жас жігіттері мен қыздарын ұрып - соғып, тепкілеп, қанжоса жасап сүйретіп жүргенін көзімен көрген. Өрт сөндіргіш машиналар су шашып, желтоқсанның қақаған аязында жастарды суға малындырды.

Соларға қарап тұрып, қолдан келер шара жоқ, жүрегіміз ауырды, - деп бір тоқтады кейіпкерім.

Иә, сол бір жылғы желтоқсанда жастар көшеге шықты. Арнасынан асқан асау өзендей көше бойымен алдыға ағылды. Осы бір алып күш, асау толқынды көтерген қандай құдырет. Ол - намыс. Қазақ елін неге қазақ басқармады деген ой. Ол өз еркі бар ер болу идеясы болса керек... Бұл идея ешқандай кедергіге тоқтамас, тосқауыл болар дүлей күштен де асып түсер алып өкпін еді. Бұл ой, бұл идея, ерікті ел болуды аңсау, қазақтың бойында намысы бар жастарын әділдікке көтерді. Бұл идея халық жүрегіне ғасырлар бойы қайнап, әбден пісіп жетіліп, бір - ақ сәтте кемерінен асып төгілді. Сөйтіп, жолындағы таптап өтер жойқын күшке айналды.

Содан бері 16 желтоқсан мейрам күні Ғабит ағамыз бен Болат ағамыз бір - бірін құттықтауды әдетке айналдырған. Себебі, бұл елдік үшін халықтың халық болып аталуы үшін, қазақтың қазақ болып аталуы үшін қасиетті бастама еді. Иә, Ғабит Ахметқожаұлы дәл сол үш күнде болмаса да, кейін, мүмкін қазір де сол желтоқсандағы көзімен көргендерді еске алғанда жоғарыдағы жазылғандардай ойға қалуы мүмкін. Дәл солай ойлағанда да осы төңірекке ойлансып, бір сәтке болса да жүрегі сыздары сөзсіз шығар-ау.

Ғабит ағамыздың жаңуына тоқталайын, Айгүл тәтемізбен 39 жыл отау құрып, төрт бала, төрт немере атасы болып, зейнеткерлік жасқа толып отыр. Айгүл тәтеміз аудандық

ауруханада методист болып еңбек етеді. Балалары ер жеткен, өмір жолдарын өздері анықтардай жасқа келген азаматтар.

Айнұры бүгінгі таңда Талдықорған қаласында тұрады. Колледжде мұғалім. Болашақ мамандардың ұстазы. Отбасында Алдияр, Әдемі деген бүлдіршіндер ержетті. Назым болса Алматы қаласында. Колледжде есепші қызметінде.

Ұлдың үлкені - Әділет. Ол полиция капитаны. Талғар ауданында қызметте. Оның да екі баласы бар. Мұстафа-Кемаль, екіншісі - Мүсілім.

Ғабит ағамыздан немересінің атын неге Мұстафа - Кемаль?,- деп қойдыңыз дегенде, - Анау жылы Түркияға жолым түсті,-дейді Ғабит аға немересінің ерекше есімі туралы, - Сонда Ата Түркіктің елін, мұражайларды аралағанда қазіргі Түрік мемлекетінің негізін қалаушы, Мұстафа - Кемаль Ата Түркіктің халқына сіңірген еңбегін оқып, сол жерде ұл немерем дүниеге келсе, есімін сол кісінің құрметіне қоямын деген ой келді. Содан кейін елге оралғанда өмірге келген немеремнің атын осылай атадым. Кенже ұлдың аты - Шыңғыс. Ол әлі үйлене қойған жоқ. Талдықорғандағы университеттің студенті. Туризм саласының болашақ маманы.

Иә, менің кейіпкерім Ғабит Мұсабаланов өзінің төрт баласынан бүгінгі таңда төрт немере, жиен немере сүйіп отыр. Әлі де алда қуаныштар бар. Тұрмыс құрып, шаңырақ көтерер кенже ұл бар. Олай болса мәуелі бәйтерек деген сол емес пе. Сөз өнері - қиын өнер. Бір ауыз сөз төбенді көкке жеткізсе, енді бір сөз жүрегіне жара салып, тағдырыңа өшпес сызат түсіруі аяқастынан.

Бұл күнде қуана білу, жүрген ортаңа шуақ шаша жүру, жабыққанды жадырату білу екінің бірінің ойына келмейді. Біз жазып отырған Ғабит ағамыз мақтаудан, марапаттан кем емес. Осы мақалам оның көңілін көтеріп, еңсесін биіктете түсіп, көкірегін керіп жүруіне титімдей болса да демеу болар деген ойдамыз. Өсе беріңіз, өркендей беріңіз, жан аға! Алдыда әлі алар асуларыңыз аз емес. Сол биіктерден алқынбай асуыңызға тілектеспін.

Ғабит ағамыз 63 жасқа лайықты да қошеметтеуге тұрар жетістіктермен келіп отыр. Өз еңбек жолында талай белеске шығып, ұжымның және әріптестерінің құрметіне бөленді. Ағамыздың өлі де талай асуларды бағындыратынына нық сенімдеміз!

Ғабит Ахметқожаұлының отбасына зор денсаулық, ұзақ ғұмыр, еңбекте тың табыстар мен өмірдің асқақ абыройын тілейміз! Шаңырағыңызда береке-бірлік, ырыс - ынтымақ бола берсін!

Ләззат ҚАЛМҰХАМБЕТҚЫЗЫ,
Қазақстан Журналистер
одағының мүшесі.



